



詹子嫻 鍾佳穎 羅巧心 同學

客語・短篇小說類・學生組

第三名

得獎作品 等待日出

得獎感言

一開始佢試著寫小說哪有可能，一篇作文都寫毋得好，無想著，客語先生——范雯鈴老師當有辦法，最尾佢兜嘎打著全國第三名，實在暢到天轉笠嫲花。佢兜會繼續煞猛學習，用心做好傳承客語文化。承蒙大家！

等待日出

曉姮目金金看等戴在上家个阿珍，逐日下課去補習，成績緊來緊好，開始食睡母得，歸身虐虐削削，怨自家無錢好補課，平平讀共班，平平戴共莊，仰會運命差恁多？逐日食飽夜就讀書讀到三更無半夜，成績還係吊車尾，曉姮歸隻人就像分大石牯砢等，感覺壓力當大，逐暗晡發目睡狂，長透半夜著驚，無斯試著啟母著氣嚇醒。堵好坐在曉姮旁邊个昌瑋成績當好，長透打頭名，母過性格暮固暮固，無朋無友，無像其他个同學樣，一下課就弛崗打陣共下寮，學校肚，大家講佢係暮固狗，故所雖然兩儕坐兩隔壁，曉姮乜無膽摻佢講話。

有一日，曉姮个數學考了三十四分，看著分數，曉姮無辦法接受，試著自家最近無日無夜讀書讀到兩頭烏，包尾嘎得著恁低分，黏時大噉！昌瑋看著曉姮噉到恁衰過，心肝頭莫名有種母盼得个感覺，想愛安慰曉姮又母知愛仰般來做，又愛面子想保持酷酷个樣子，就假意無相無干樣冷冷講：「愛佢摻你搵手麼个無？」曉姮擘開該對圓滾滾个目珠，看等昌瑋，更加放勢牯噉。就恁樣，昌瑋開始教曉姮數學，曉姮个成績一下仔就飆起來，排在全班前幾名，兩儕開始輒常有來有去，母多知，母多知，兩儕漸漸緊來緊黏浹……。

無幾久，兩儕開始交換電話號碼摻交友个帳號，做得不時來關心對方，兩儕下課時節絕對黏共下，貼貼黏到響鈴仔正甘願轉教室肚去。暗晡時頭，兩儕用手機仔互相分享自家細細時節个故事，雖然對方無機會參加著自家過去个歷史，至少做得分對方了解自家頭擺過个生活，逐暗晡都講到星光無半夜，日時頭兩儕嘎當恁，顛倒在教室肚啄目睡。曉姮發現著昌瑋个成績緊來緊差，盡驚恁樣下去會害著佢，雖然想摻昌瑋講到天光，母過為了長遠設想，見擺講話講到十二點个時節，會喊佢遽遽去睡目，硬心來切電話。

再過三隻月會考就到了，昌瑋在教室肚上等課，忽然間嘎仆仆下去，分救護車送去醫院。曉姮在學校無心性上課，逐節下課問先生：「昌瑋醒來旨？有仰般無？」原來昌瑋係因為讀書讀忒恁了，身體正會佇母著，曉姮一放學就黏時趕去醫院看昌瑋，不時在旁脣照顧佢，曉姮个用心昌瑋當感動，心肝肚決定愛摻曉姮牽手過一生。

算算離會考還有六十日，大家都當緊張，曉姮摻昌瑋乜共樣，曉姮盡驚自家个成績母理想，盡煞猛無日無夜在讀書，輒常無睡飽。為了愛摻昌瑋考著共隻學校，佢愛當打拚，正跔得著昌瑋，

壓力當大，又毋敢摻昌瑋講，逐暗晡自家偷偷大嗽。看等考試个日子緊來緊近，曉姮个壓力也緊來緊大，險險無法度調整自家。會考前，學校舉辦模擬考，分大家來練習，昌瑋考了5A6+，曉姮認為自家拚死拚命讀書，應當會有當好个成績，旨知查出模擬考成績，佢得著5B10+，逐科都差一題就做得拿著A，佢當傷心，毋過佢盡量毋表現出來，無想分人知，忍等委屈，假意無事情繼續上課。昌瑋發現曉姮心情毋好，放學時節就去問佢：「你仰般？心情毋好係無？」曉姮一聽啊著昌瑋个關心，就忍毋核，嗽到目汁濺汨，昌瑋早就揣著曉姮係因為成績考毋好正會無歡喜，就摻曉姮搨等惜惜仔，分佢盡量嗽。

離會考个日仔伸無一隻月，班上氛圍當嚴條，大家開始毋敢去遶山花、打嘴鼓，逐節下課都坐在自家个位仔頭犁犁仔煞猛讀書，讀到有日無夜。斯曉姮無在該讀書，原來佢看大家成績全有進步，斯佢自家个成績無進步，歸隻人完全變到軟糝搭確，做麼个事都懶停動，昌瑋看著曉姮變自暴自棄，心肝實在當毋盼得。昌瑋約曉姮去啲咖啡，分曉姮換隻環境來改變心情，點兩杯奶茶摻曉姮最好食个雞卵糕。昌瑋一片食甜點，一片用溫柔个聲音講分曉姮聽：「佢知會考到了，分你壓力當大，毋過做人愛學會仰般來控制壓力，堵堵好个壓力做得幫助人成長，毋過忒多个壓力就可能得著反效果，所以佢希望你愛學會控制壓力，有麼个毋歡喜，有麼个艱苦都做得摻佢講，佢會隨時陪在你骨頭，毋使驚！」曉姮聽忒後，壓力減少當多，當下決定愛再過繼續打拚，勇敢面對會考！

緊張个會考日仔來到，所有个國中三年生學生仔都打早就疏床，準備到會考考場去考試。學校有安排離考場較遠个學生仔坐專車，戴近个學生仔就愛自家去考場。曉姮屋下離考場行路正五分鐘定定，毋過昌瑋就無恁好運，屋下離考場還有一段路又無專車好坐，恁堵好該日昌瑋个阿爸摻阿姆都有事情，沒法度接送佢，佢就去坐巴士，無想著，半路擋仔忽然間失靈，停毋下來，緊溜緊遽，司機為了大家个安全，就摻方向盤打到無人無車个路脣，恁堵好該位係崩崗，車仔一扭嘎溜下去，一路撞大樹推石頭，車肚个人春頭磕額，學生仔驚到盡嗽，嗽到失聲，好得翻兩下就分旁脣个石頭摻樹樑卡著，無繼續翻落崩崗去。昌瑋頭那撞著窗門著傷，歸車人噉噉嘶嘶，好得救護車當遽就到。昌瑋分人送去醫院，毋過考試要緊，無等護士包好，昌瑋就洩出去喊臺他庫西一路飆車駛向考場，車一停就躡躡春春走去報到，可惜還係忒慢，早就考過兩節課了，因為有兩節無考著，昌瑋心灰意冷，後背个考試全部受著影響，一片寫一片流目汁，寫到目花鼻茫，目珠紅紅。曉姮考忒，聽講巴士翻車个新聞，知著昌瑋有兩節課赴毋掣寫，心情絕對當毋好，這擺輪著曉姮鼓勵昌瑋：「無論今晡日你考著仰般，全部都過去了，愛先摻今晡日个事情全部放下，韶早還愛繼續考試，希望你做得全心來準備，因為會考斯會影響歸生人，非常重要。」考試考忒

後，昌瑋歸日困在自家間房肚，毋甘願自家一溜里來恁認真讀書打拚，嘎全部無採工。昌瑋坐在眠床發琢呆，不時嘍嘍嘍嘍，一下罵司機仰般駛車，一下問天公仰會恁樣來作弄，人變到當孤老，怨天怨地，行毋出來。

會考成績出來，曉姮順利考著兩儕講好愛讀个第一志願高中學校，毋過，昌瑋雖然第二日考个科目全部拿著一百分，但係因為缺考兩科，就無法度分著第一志願學校。昌瑋非常非常个傷心，毋單淨摻自家關在間房肚，完全毋食飯毋淋水，昌瑋个爺哀當毋盼得，心痛又無結無煞，包尾兩公婆決定送佢出國留學，看看外背个世界，學習無共樣个文化，希望佢做得改變，做得想較開兜。曉姮一聽著這隻消息，頭那像分雷公敲著樣，險企毋核，本旦想，等會考考忒，摻昌瑋兩儕就做得輒常約會，成雙成對，天光黏到斷烏，做對儕儕欣羨个鴛鴦，仰會想著一場事故，就打壞忒兩儕个夢想。曉姮當然毋希望昌瑋出國，一儕在東，一儕在西，兩儕離恁遠，還有時差个問題，又驚佢旁邊會有新个細妹朋友，曉姮想到這，對兩儕个感情緊來緊無信心。毋過，話又講轉來，係講毋分昌瑋離開自家，佢斯會緊關在間肚，會害著佢一生人。曉姮強強忍目汁帶等祝福，陪昌瑋到機場，兩儕在飛機場相擁毋肯放，驚一放手對方就會毋見忒，兩儕都目汁濼汨，擁到最尾一分鐘，一秒鐘，昌瑋高不將就恁樣上飛行機。

分開半年來，曉姮總係盡量配合昌瑋个時間，毋管星光半夜个時差，乜毋管自家有麼个重要事情愛做，曉姮總係摻昌瑋个事情排頭前，不時摻昌瑋保持聯絡盡量來勸話佢，就像昌瑋頭擺耐心勸話曉姮共樣。其實曉姮高中个課程當綱頭、有當多作業，為了摻昌瑋講話嘎長透當暗睡，課業就顧毋來。昌瑋該片可能也有時差問題，兩儕緊來緊少聯絡，就恁樣感情緊來緊淡。昌瑋毋知自家幾時正做得轉到曉姮个身旁，當驚佢戇戇等，浪費青春，故所留言分曉姮：「佢想斯摻你做朋友就好，驚分你等忒久，你為了配合佢个時間，長透耗夜，佢毋希望你恁樣辛苦過日仔。」曉姮收著這消息，目汁溶溶跌，該暗，佢噉當久當久，幾時天光就毋知，兩隻紅紅腫腫个目珠，戇神戇神問天公：「兩儕講過愛長長久久，兩儕經過恁多考驗，就恁樣？一隻訊息兩三句話，就洗淨淨了？摻昌瑋還有未來無？」佢逐日噉溼溼，無法度理解昌瑋个想法。

一年過去，曉姮雖然當思念昌瑋，升上高二無間个佢，斯做得摻這淄淄个愛困在心肝肚，因為分理組、文組，愛重新分班，曉姮選擇个文組班項有隻有中英血統、生來當緣投个風神人物——凱恩，當多細妹仔在該追佢，逐日朝晨總係有人送朝分佢食，對佢做嬌，佢硬硬對該兜細妹同學無興趣，其實佢在高中一年生个時節就當中意隔壁班个曉姮，雖然曉姮毋係學校肚最靚个細妹仔，毋過，對凱恩來講，曉姮毋單淨耐看，佢還有一種講毋出來个特質，見擺看著曉姮經過，

凱恩總係閃到旁脣，恬恬仔欣賞曉姮个一顰一笑，係看著曉姮歡喜，凱恩也會跔等躑笑。凱恩不時打探曉姮个消息，知著佢愛選文組，凱恩就放忒心中原旦愛選个理組，斯為了做得摻曉姮共班。升高二共班了，一下課，凱恩旁邊不時都有細妹緊尋佢，佢毋識主動尋過細妹仔，所以佢斯曉得恬恬偷看曉姮在該做麼个。選班長幹部時節，曉姮摻凱恩共下做環保股長，兩儕愛逐日當晝共下去學校回收場整理清點。一開始兩儕無話講，曉姮知凱恩盡多人追求，所以也無想摻佢行忒兼，無愛加添佢个煩惱，毋過為了做好回收，曉姮高不而將定著愛摻凱恩講話，日誌一張一張扯，兩儕緊來緊多話好講，到尾來連微毛末節都互相分享，凱恩盡歡喜，毋過曉姮顛倒驚分人誤會，盡量莫摻佢行忒兼身。佢个愁慮毋係無道理，逐日黏等凱恩个該群細妹同學發現著凱恩對曉姮特別好，大家起赤目，參詳共下來修理曉姮。有一日，機會來了，曉姮去便所，這群細妹同學鑿空鬥樺，摻便所門外背堵等，毋分佢出來，還用尿尿水向便所裡肚潑，在便所門上貼等「清潔中，做毋得使用」个牌仔，所以無人會去該間便所，也無人知曉姮分人關在該間便所裡背肚……

響鈴仔上課了，凱恩發現曉姮無轉教室肚，一分鐘……兩分鐘……五分鐘……十分鐘……三十分鐘還無轉來，凱恩盡愁曉姮，忍毋核擎起手問先生曉姮去哪位，先生表示佢也毋知，凱恩看著班項有幾隻細妹同學當暢樣在該偷笑，感覺有問題，等毋掣摻先生報告，黏時拚出去尋曉姮，凱恩一片走一片喊曉姮个名仔，歸學校尋透透，尋無曉姮个影仔，到臨尾行到細妹便所正聽著有人喊樣，詳細聽旨知係曉姮个聲，一腳踢飛公告牌摻冷到緊顛个曉姮救出來，曉姮一看著有人來救，就放鬆昏忒了，凱恩脫忒外衫，摻滿身尿尿个曉姮包起來打橫揸，扛到醫務室。續下來个幾日，曉姮發燒又得著流感請假，凱恩當掛心佢又毋敢去看佢，驚怕又連累著佢，表面上凱恩對曉姮假意無關心，該心肝肚斯，硬硬急到會死，食睡都毋得。等到曉姮倒轉去學校上課，凱恩當想去關心佢，又驚佢惹著麻煩，所以佢斯做得偷偷去問曉姮个好朋友，「無愛摻曉姮接近，係因為愛保護佢」，這實在當像電影，毋過確確實實發生在現實个生活當中，就像一隻毋會醒个夢樣。

高中三年生開始愛準備學測，一開學，班導師講：「佢兜班有一隻轉學生，佢係對國外轉來个，大家愛好好相惜，盡量去關心摻佢揸手哦。」曉姮聽了無麼个想法，斯知講，哦，有一隻新同學。轉學生仔行入教室，班導師講：「來，你來摻大家紹介一下自家，分同學來熟事你。」轉學生仔講：「大家好，佢係吳昌瑋。」聽啊著這名仔，曉姮臥頭看，昌瑋也堵堵看著佢，曉姮心肝哐哐跳，緊跳緊遽，昌瑋繼續講：「佢係上高一就去國外个，所以佢在臺灣溝通無問題，毋過因為高三正轉來，可能盡多事毋曉得仰般做，愛請大家多多指教摻協助，承蒙大家！」曉姮歸隻人嘎躑忒，班導師又講：「該昌瑋就坐曉姮旁脣个位所，曉姮你愛多多照顧新同學哦！」曉姮又暢又慌張，緊頷頭，昌瑋慢慢行到曉姮脣，曉姮心跳越跳越亂，昌瑋拉開凳仔坐落，摻曉姮講：

「恁久無看著。」曉姮就已慌張應講：「好……久……無見。」凱恩看出曉姮摻昌瑋兩儕个奇妙關係，又毋敢直接去問曉姮。兩隻禮拜過去，班上同學發現昌瑋摻曉姮係郎有情、妹有意，大家鼓勵昌瑋去表達心意，可惜昌瑋無膽。凱恩當驚曉姮分昌瑋追走去，決定愛先去摻曉姮表達愛意，放學約曉姮到大榕樹下，同佢講：「佢正經當愛你，毋過佢知你摻昌瑋个關係，佢毋會勉強妳，斯想愛表達佢个心意，希望你毋好有壓力。」曉姮回佢：「承蒙你，佢摻昌瑋互相相愛，佢當你係好朋友。」一講忒，曉姮轉身就離開。昌瑋看佢兩儕無男女之情，就摻曉姮講：「佢愛你當久了，其實佢在外國當想你，正會決定轉來讀書，佢有去認識別隻細妹仔，想用新愛情來分佢毋好緊想你，毋過逐暗晡都想你想到睡毋忒，佢想摻你有未來，想愛永久陪你，保護你，想愛摻你牽手行下去，曉姮，佢愛你，你願意摻佢共下過一生無？」曉姮聽著當感心，流下兩行幸福燒暖个目汁，兩儕摻共下，無聲贏過有聲。

全新个高中生活，兩儕一條心，計畫共同个目標，放學就共下寫作業摻研究功課，有閒就共下去圖書館讀書尋資料，互相鼓勵，互相支持，順利考著共一所大學。兩儕共下在外背租屋共下戴，正發現，相愛容易相處難，輒常因為細事情冤家泌背。人講床頭打床尾和，見擺相吵過，兩儕就會坐下來討論，共下解決問題，學習尊重對方个想法，和和掙掙共下讀書、運動、遶山花，就恁樣，有酸、有甜、有苦、有辣也有鹹，五味全有个大學生活，一下仔就過去了。昌瑋畢業尋著好頭路，兩家世大人想愛結親家，就請媒人婆來講親，擇隻較靚个日仔來拜堂。「郎才女貌向廳堂，雙雙拜祖天地長，花燭洞房鬧洋洋，早生貴子秀才郎。」媒人婆正唸啊忒四句，上家个同學阿珍來恭喜，左手牽一隻對歲个細孺仔，正手摻等嬰兒仔來鬥鬧熱，旨知阿珍無考著大學，嫁分做生理个阿松哥，屋下做頭家娘揸手掌店，店仔經營當成功，逐日打扮靚靚，一儕一種命啊！

曉姮恬恬欣賞阿珍做頭家娘个氣質，平平讀共班，平平戴共莊，運命無共樣。忽然間清醒，原來無定著愛讀書正會出頭，總愛肯打拚，天下無難事，做好規畫，認真做事，就會有光明个前途，遇著困難毋使驚，面對佢，解決佢，烏雲過忒，日頭自然就會出來了。